

Egretta Garzetta

16+



UU

Egretta Garzetta

ՄՄ

*http://www.litres.ru/pages/biblio_book/?art=64752151
SelfPub; 2021*

Аннотация

Փոքր պատմություն նրա մասին թե ինչպես մարդիկ պատրաստ են վերանայել հայացքները, բայց չփոխել մտածելակերպը:

Egretta Garzetta

ՄՄ

_Մարի՛, չեմ ուզում ստիպել... եթե չես կարող ձայն հանել, տու՛ր ձեռքդ: Ու դա ես կրնդունեն որպես դրական պատասխան:

Մարատը ձեռքը պարզեց: Մարին իջեցրեց հայացքը, երևում էր որ ինչ որ բան կշռում է:

Մարատը համբերությամբ սպասում էր: Օրիորդը փախցնում էր աչքերը: Նրա հայացքը գննեց ոտքերի տակ գտնվող ամեն քար:

_Մարի՛...

Երիտասարդը թափ տվեց ձեռքը: Ու ավելի շատ առաջ ձգեց: Մարին անհամարձակ նայեց նրան:

_Մարի՛, ես քեզ սիրում եմ...Դե՛, սպասում եմ:

Նա տազնապով սպասում էր պատասխանի:

_Մարի՛...

Մարին անհամարձակ ձեռքը պարզեց: Երիտասարդի աչքերը շողացին: Բռնեց օրիորդի ափը, քաշեց նրան իր գիրկը:

_Չե՛ս պատկերացնում որքա՛ն երջանիկ եմ:

Մարին ժպտաց:

_Կգնանք բոլորից հեռու... կապրենք հանգիստ... ու թող մնացածը ամեն ինչ ուզում եմ:

Մարին ձայն չհանեց: Մարատի երազանքները

պարուրեցին մի անուշ թախիծ:

Նրանք նստան մեքենան ու շարժվեցին դեպի քաղաք: Հեռու՝ այս գյուղից, աղաթներից, հազար տեսակ ցեղական վեճերից:

Համարյա հասել էին քաղաք տանող ճանապարհի խաչմերուկին, երբ իրար հետևից վրա հասան երկուսի ծնողների մեքենանները:

— Կանգնի՛ր, — ազդանշան էր տալիս Մարատի հոր մեքենան:

Բայց երիտասարդը սեղմեց գազին ու առաջ ընկավ:

— Վախենում եմ, Մարա՛տ:

Մարին սարսափած ետ նայեց: Երբ տեսավ հոր մոտեցող մեքենան, սիրտը տակնուվրա եղավ:

— Պապաս գալի՛ս է...

— Մի վախեցի՛ր, հե՛տդ եմ:

Մեկ էլ Մարատի հոր մեքենան սուրաց առաջ ու կտրեց իրենց առաջը: Մարատը ստիպված սեղմեց արգելակին:

— Մարա՛տ, — Մարիի մատները մխրճվեցին պատանու արմունկի մեջ:

— Մարի, սիրու՞մ ես ինձ:

Մարատը նայեց ուղիղ աղջկա աչքերի մեջ: Մարիի այտն ի վար գլորվեց արցունքի մի խոշոր կաթիլ: Հուզմունքից չկարողացավ խոսել, միայն դրական շարժեց գլուխը:

Մարատի հոր մեքենայից մի վայրկյանում դուրս թափվեցին Մարատի հայրը, հորեղբայրը և նրա երկու որդիները: Լավ է օրորոցում քնած Սամվելիկին չեն բերել:

Հայրը՝ Անաստասը վազելով մոտեցավ որդու մեքենային:

— Դու՛րս արի: Իջի՛ր մեքենայից: Ի՞նչ ես անում: Ու՛ր ես գնում: Ու՛մ ես բերել:

— Մի՛ դուրս գա, — Մարին երկու ձեռքով բռնեց Մարատի ձեռքը: Բայց Մարատը չլսեց, բացեց դուռը: Չհասցրեց ոտքը դնել գետնին: Կատաղած ցուլ դարձած հայրը քաշեց նրա ծոծրակից:

— Շան լակո՛տ: Ու՞մ աղջկան ես բերել:

Մարին դուրս նետվեց մեքենայից: Բայց չմոտեցավ, միայն ծղրտաց.

— Բա՛ց թողեք նրան:

Հենց այդ պահին վրա հասավ Մարիի հոր մեքենան: Դուրս եկավ օրիորդի ոչ պակաս ջղայնացած հայրը՝ Սարիբեկը: Ի տարբերություն մյուսներին, նա մենակ էր:

— Ջարդելու եմ գլուխդ, լակո՛տ: Իսկ քո հետ տանը կխոսենք, — ոլորեց աչքերը դստեր վրա:

Գազազած տղամարդը վազեց դեպի Մարատը:

— Դու՛ ու՞մ ես ասում լակոտ: Արի-արի՛, ցույց կտամ քեզ լակոտը որն է... վրա հավաքիր շուերը ընկած աղջկանդ...

Սարիբեկի դենքը գունաթափ եղավ, երբ նայեց դստեր ոչ պակաս գունատ դենքին ու դողացող շրթունքներին կորցրեց իրեն: Նետվեց Անաստասի վրա: Սա իր հերթին բաց թողեց որդուն ու սկսեց հարվածել ախոյանին:

Մարին անգորությունից կարողացավ միայն ճշալ.

— Պապա՛... բաց թողեք, պապայի՛ս...

Նետվեց հորը պաշտպանության: Իր մանրիկ

բռունցքներով սկսեց հարվածել Անաստասի լայն մեջքին: Բայց նախկին ընթշամարտիկը արագ շրջվեց ու թեթև հրեց օրիորդին: Մարին փովեց գետնին: Մարատը քաշեց հանեց նրան ոտքի:

— Հայրի՛կ...

— Հոպար, ի՞նչ եք անում, — բղավեց Արշավիրը՝ Մարատի հորեղբոր ավագ որդին: Նետվեց անջատել Անաստասին ու Սարիբեկին: Մինչև Արշավիրը ընկած էր անջատել նրանց, Մարատը բռնեց Մարիի ձեռքը, նայեց նրա աչքերի մեջ, իրար հասկացան: Ու այդպես ձեռք ձեռքի տված վազեցին դեպի գլխավոր ճանապարհ:

— Մարատ, ու՞ր, — կանչեց հետևից հորեղբայրը, որ մինչև այս ձայն չէր հանել:

— Ձեզանից հեռու՛:

Անուր սեղմեց ընկերուհու ձեռքը ու ոտքերին ուժ տվին: Մարին և վագում էր և հետ նայում: Սիրտը մաս մաս եղավ երբ տեսավ հորը գլխիկոր մնացած: Կյանքում հայրը երբեք գլուխ չի կախել, իսկ հիմա իր պատճառով նա մնաց վիզը ծուրը: Սիրում էր հորը որդիան ջերմ սիրով: Գիտեր որ ինքը հոր համար ամեն ինչ է: Ու հիմա հայրը կորցնում է այդ «ամեն ինչը»: Իսկ Մարատը ավելի ուժեղ էր սեղմում ձեռքը ու ստիպում արագացնել: Թե ոտքերն իրե՛նք են ուզում այսպես արագ շարժվել, որ վերջապես հեռանան մշտական կոիվներից:

— Ու՞ր, — գոռաց Անաստասը: Ու վազեց որդու հետևից, — այդ աղջիկը կերել է ուղեղդ լրիվ:

Սարիբեկը մնաց տեղում: Իր գավակը փախչում է իրենից: Մի՞թե ինքը գազան դարձավ, որ դուստրը փախչում է, կարծես ինքը նրա արյունախում թշնամին է: Իսկ աղջիկը քանի գնում հեռանում էր:

— Շոպա՛ր, հոպար մի՞թե չես հասկանում, նրանք ձեզանի՛ց են փախչում:

Անաստասը ցցվեց տեղում շանթահարի նման: Դարձավ եղբորորդուն.

— Ի՞նչ անեմ.. ի՞նչ անեմ Արշավիր: Թողնեմ՝ որ ամուսնանա սրա՛ աղջկա հետ, — Սարիբեկին ցույց տվեց մատով:

Բայց Սարիբեկը թքած ուներ նրա վրա: Աղջիկը խոցել էր ու սպանել իրեն: Երբեք իրեն այսպես նվաստացած չէր գգացել: Կյանքում առաջին անգամ արցունքներ երեւացին նրա աչքերում: Գնաց մեքենայի մոտ, բացեց դուռը ու նստեց այնպես, որ ոտքերը մնացին դուրսը գետնի վրա:

Քիչ հեռվում կատաղությունը թափում էր եղբոր ու նրա որդիների վրա Անաստասը: Հայիոյանքները իհարկե ուղղված էին իրեն ևս: Գուցե և առաջին հերթին հենց իրեն: Բայց դա կարևոր չէ՛: Թող հաշի ինչքան կարող է... Փակեց աչքերը: Այսպես նստեց մի քանի րոպե:

— Հայրի՛կ, — հանկարծ լսեց դստեր անվստահ ձայնը:

Բացեց աչքերը:

— Եկա՛ր, — ականջին հասավ Անաստասի գոհ ձայնը ուղղված որդուն:

Դուստրը կանգնած էր դիմացը: Իր փոքրիկ Մարին:

Տասնյոթ տարեկան Մարին, որ ամաչեց ասել «սիրում եմ»
բառակապակցությունը հոր առաջ, բայց չամաչեց բռնել
Մարատի ձեռքը ու փախչել հարազատ հորից:

_Եկա՞ր, կրկնեց Անաստասի հարցը:

Մարատը մնացել էր իր հոր և հարազատների մոտ:
Սակայն այնքան մոտիկ էին, որ լսում էին իրար:

_Հայրի՛կ, ների՛ր ինձ:

Մարին մոտեցավ հորը: Կոկորդը խզվում էր ու չէր
թողնում խոսել: Կույ տալով արցունքները շարունակեց.

_Պապա՛, ների՛ր ինձ աղաչու՛մ եմ: Ես չէի ուզում
նեղացնել քեզ... ու երբեք չե՛մ ուզեցել, որ իմ պատճառով
գլուխդ կախես... պապա՛, մի՛ նայիր ինձ այդպես...
տեսնու՞մ ես, ես քե՛զ եմ ընտրում, ես ինձ չե՛մ ընտրում... քեզ
եմ ընտրում...

«Ես քե՛զ եմ ընտրում». Մարիի բառերը տպվեցին
Անաստասի ուղեղի մեջ: Նայիր, թե ի՞նչ աղջիկ է մեծացրել:
Ինչպիսի՛ դուստր ունի այս մեկը: Գերադասում է հոր
պատիվը, քան թե իր զգացմունքները: Նախանձի որդր
խլրտաց կրծքում: Բայց կույ տալ ամեն ինչ անհնար է:

Մարատը հետևում էր Մարիին ու ընկերուհու
արտասանած ամեն բառ տոսկալի տպավորություն էր
թողնում նրա վրա: Անաստասը զգում էր, որ այն բարակ
թելը, որ կա իր ու որդու միջև, ևս մի վայրկյան կտրվելու է:
Ինչպե՞ս վարվել:

Մարատը վազեց օրհորդի մոտ ու պարզեց ձեռքը.

_Մարի՛...

Օրիորդը արցունքներով լիքը աչքերը բարձրացրեց նրա վրա, ապա նայեց հորը: Սարիբեկը հասկանում էր ընտրությունը իր կողմ չի: Մակայն աղջիկը շարունակում էր մնալ իր առաջ ծնկի իջած:

—Մարի՛, — հանկարծ լսեց Սարիբեկը այն մարդուց ումից երբեք չէր սպասի:

Անաստասը կանգնել էր որդու կողքին ու պարզել ձեռքը:

—Անաստաս գժվեցի՞ր, — բացականչեց եղբայրը:

Ի՞նչ է սա: Աչքիս է երևու՞մ...

Սարիբեկը ապշած նայում էր հակառակորդին: Պակաս ապշած չէին նաև Մարատը և դուստրը:

—Շայրի՛կ, — շնչաց որդին:

Անաստասը տեսավ որդու աչքերում փայլող արցունքների մեջ խոր երախտագիտություն, որ վաղուց արդեն չէր տեսել: Բայց ի՞նչ գին ունի այն, գիտեր միայն ինքը:

Սարիբեկը ոտքի ելավ ու ոտքի հանեց նաև աղջկան: Նրան շատ ազդեց Անաստասի արարքը: Երբեք մտքով չէր անցկացնի՛ որ այդ հաստագլուխը ընդունակ է նման քայլի: Բայց կարելի է արդյոք հավատա՞լ:

Մարին ձեռքը ուղղեց դեպի Մարատը, սակայն դարձավ նայեց հոր աչքերին: Վերջապես Սարիբեկը չդիմացավ դստեր տանջալից հայացքին ու ինքը դրեց աղջկա ձեռքը Մարատի ավի մեջ:

Մեքենան նստելուց առաջ Անաստասը դարձավ Սարիբեկին.

Ես հիմա տանս աղջիկ ունեմ, իսկ դու՞ ... ու սեղմեց
գազին: